

CONVENIO DE COLABORACIÓN ENTRE A CONSELLERÍA DO MAR, DA XUNTA DE GALICIA, A AXENCIA ESTATAL CONSEJO SUPERIOR DE INVESTIGACIONES CIENTÍFICAS, M.P. (CSIC), A FUNDACIÓN CENTRO TECNOLÓXICO DO MAR (CETMAR), A UNIVERSIDADE DE SANTIAGO DE COMPOSTELA (USC), A UNIVERSIDADE DE VIGO (UVIGO) E A UNIVERSIDADE DA CORUÑA (UDC), PARA A REALIZACIÓN DO PROGRMA DE CIENCIAS MARIÑAS DENTRO DOS PLANS COMPLEMENTARIOS DE I+D+I DO PLAN DE RECUPERACIÓN, TRANSFORMACIÓN E RESILENCIA (ACHEGA DA COMUNIDADE AUTÓNOMA DE GALICIA FINANCIADA POLO FEMP E POLO FEMPA).

MEMORIA XUSTIFICATIVA

Silvia Cortiñas Fernández, secretaria xeral técnica da Consellería do Mar, **DECLARA:**

Que esta Secretaría Xeral Técnica ten previsto formalizar coa Axencia Estatal Consejo Superior de Investigaciones científicas, M.P. (CSIC), coa Fundación Centro Tecnolóxico do Mar (CETMAR), coa Universidade de Santiago de Compostela (USC), coa Universidade de Vigo (UVIGO) e coa Universidade da Coruña (UDC) o instrumento convencional arriba referido por un período de vixencia que abrangue dende o 20 de outubro de 2022, ata o 31 de decembro de 2025.

Que o instrumento convencional ten por obxecto:

Instrumentar a concesión dunha subvención e establecer as condicións de participación da Consellería do Mar, o CETMAR o CESGA, o CSIC, a USC, a UVIGO e a UDC no programa complementario de Ciencias Mariñas concedido á Comunidade Autónoma de Galicia polo MICIN conforme ao establecido no Acordo do Consejo de



Política Científica, Tecnológica y de Innovación do 8 de novembro de 2021 e no Real Decreto 991/2021, do 16 de novembro, polo que se regula a concesión directa de subvencións ás Comunidades Autónomas para financiar a realización de catro programas para a implementación dos Plans Complementarios de I+D+I coas Comunidades Autónomas, que forman parte do compoñente 17 do Plan de recuperación, Transformación e Resilencia.

As razóns que acreditan o interese público, económico e social baséanse na necesidade de reforzar e mellorar a gobernanza da política de investigación e innovación, posta de manifesto en diversas recomendación no marco do semestre europeo

As actuacións previstas no convenio, atópanse encadradas no obxectivo estratéxico 1 da RIS3 de Galicia 2021-2027 ("Avanzar na configuración dun ecosistema de innovación máis integrado, unido as capacidades e esforzos dende as entidades xestoras de coñecemento (oferta) para facilitar a colaboración entre elas, así como a transferencia ao conxunto do tecido empresarial") e no programa 1 ("Consolidar unha oferta de I+i avanzada, integrada, ordenada e aliñada coa especialización capaz de dar resposta aos retos da dixitalización e a sustentabilidade").

As accións específicas que se van realizar derivadas deste obxecto son as que seguen:

Pola Consellería do Mar:

A Consellería do Mar achegaralles ás entidades executoras con personalidade xurídica propia do programa de Ciencias Mariñas en Galicia a cantidade de 4.000.000 de euros con cargo ao FEMP do programa operativo 2014-2020 e con cargo ao FEMPA do programa operativo para o período 2021-2027.

Os gastos elixibles que se efectúen na anualidade 2022-2023 deste convenio, financiaranse con cargo ao Programa Operativo FEMP de Galicia para o período



2014-202, e os efectuados na anualidade 2024 e 2025, con cargo ao Programa Operativo FEMPA para o período 2021-2027, tendo en conta o disposto no artigo 63.9 do Regulamento (UE) 2021/1060, de 24 de xuño, de disposicións comúns.

Polas Entidades beneficiarias:

A presentaren con anterioridade a sinatura do convenio, as declaracións e certificacións previstas na cláusula quinta do citado convenio.

A desenvolveren as actividades do convenio seguindo o establecido no Anexo I

A xustificar ante a Consellería do mar os gastos executados con cargo aos fondos FEMP e FEMPA e realizarse atendendo aos períodos e prazos establecidos na cláusula sétima. Esta xustificación farase mediante a presentación dunha conta xustificativa.

A achegaren a documentación xustificativa dos pagamentos parciais.

Que o instrumento convencional que se pretende asinar fundaméntase no seguinte:

A Consellería do mar é o órgano da Administración galega ao que lle corresponden as competencias en materia de ordenación e o fomento do sector pesqueiro, marisqueiro, acuícola e de transformación dos produtos do mar no ámbito de Galicia, de acordo co establecido no Estatuto de Autonomía para Galicia e segundo os termos sinalados pola Constitución Española, sen prexuízo das competencias que lles poidan corresponder aos outros organismos da comunidade Autónoma.

Segundo o establecido no Decreto 50/2021, do 11 de marzo, polo que se aproba a estrutura orgánica da Consellería do mar (D.O.G. núm. 58, do 26 de marzo), correspóndelle a esta Consellería a investigación mariña e a coordinación, programación e execución das actividades de divulgación e de transferencia



tecnolóxica nas comunidades pescadoras e litorais, así como a programación, supervisión, realización e difusión de publicación e doutro material científico e didáctico.

O CSIC de conformidade co artigo 47 de Lei 14/2011, do 1 de xuño, da Ciencia a Tecnoloxía e a Innovación, é un organismo público de investigación (OPI), adscrito ao Ministerio de Ciencia e Innovación, a través da Secretaría Xeral de Investigación, que ten por obxecto o fomento, a coordinación, o desenvolvemento e a difusión da investigación científica e tecnolóxica, de carácter multidisciplinar, co fin de contribuír ao avance do coñecemento e ao desenvolvemento económico, social e cultural, así como á formación de persoal e ao asesoramento e entidades públicas e privadas nestas materias

O CSIC está constituído como axencia estatal, e na dita condición, réxese polo establecido nos artigos 108 bis e 108 sexies -introducidos pola Lei 11/2020, do 30 de decembro, de Orzamentos Xerais do Estado para 2021-, da Lei 40/2015, do 1 de outubro, de Réxime Xurídico do Sector Público. Tamén se rexe polas disposicións do seu Estatuto, aprobado por Real Decreto 1730/2007, do 21 de decembro, modificado polo Real Decreto 202/2021, que recolle entre as súas funcións, promover e realizar investigación científica e tecnolóxica e o seguimento, a avaliación e a divulgación dos seus resultados

O CETMAR é unha fundación pública, na que exerce o seu Protectorado a Consellería do Mar, creada no ano 2001, e ten como obxectivo fomentar e executar accións para a conservación aproveitamento responsable do medio mariño e dos seus recursos, en especial no que se refire ao litoral galego, incluíndo proxectos de investigación científica, desenvolvemento e innovación tecnolóxica.

A USC, a UVIGO e a UDC son entidades de dereito público dotadas de personalidade xurídica e patrimonio propios para a consecución dos seus fins e o desenvolvemento das súas funcións, que gozan de autonomía de acordo co artigo 27.10 da Constitución e a Lei Orgánica 6/2001, do 21 de decembro de Universidades, e que



teñen como fins prioritarios o fomento da investigación e a innovación, así como a transferencia á sociedade. Para o cumprimento destes fins, estas universidades manteñen relacións cos centros de investigación e con institucións culturais e sociais e promoven a celebración de convenios de investigación e transferencia tecnolóxica e de coñecemento con entidades e organismo públicos e privados, así como de traballos de carácter científico, técnico, artístico ou docente.

E para que conste, asínase esta memoria, en Santiago a

(asinado dixitalmente)

